

Visoki predstavnik pozdravio imenovanje sudije u Vijeće za vitalni nacionalni interes u FBiH

Visoki predstavnik Valentin Inzko danas je pozdravio izbor sutkinje Mirjane Čučković u Vijeće za vitalni nacionalni interes Ustavnog suda Federacije Bosne i Hercegovine u Domu naroda FBiH. Zastupnički dom FBiH izabrao je sutkinju Čučković na sjednici održanoj krajem aprila.

„Parlament Federacije BiH napravio je važan korak u osposobljavanju Ustavnog suda Federacije BiH kako bi mogao obavljati sve svoje ustavne nadležnosti. Visoki predstavnik poziva sve nadležne vlasti Federacije da osiguraju da se polemika o izboru sudije Muminović u Vijeće za vitalni nacionalni interes okonča što je prije moguće. Potpuno funkcionalno Vijeće za vitalni nacionalni interes je neizostavan element strukture nadležnosti u Federaciji, posebno kada je u pitanju rješavanje sporova u vezi s usvajanjem odluka u zakonodavnim tijelima u cijeloj Federaciji“, rekao je visoki predstavnik.